



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, , den 12/05/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Famill an Integratioun & Wunnéngsbau weiderzeleeden.**

De leschte Berechnunge vum STATEC no (4te Mee 2022) kéint déi nächst Indexbranche scho bannent deene nächste Méint falen. D'Indexéierung vun de Gehälter ass eng Kompenséierungsmoossnam fir de Kafkraaftverloscht no der Inflatoun (ex-post) ze kompenséieren.

Elo ass et awer esou, dass verschidden Institutionen an Organisatiounen de Präis vun hiren Déngschtleschtungen un den Index knäppen. Esou zum Beispill beim Fonds du Logement, wou d'Loyeren och zu engem Deel mat all Indexbranche erhéicht ginn, esou wéi dat am ofgeännerte groussherzogleche Reglement vum 16ten November 1998 virgeschriwwen ass.

D'Locataire vu Sozialwunnenge si Persounen, déi finanziell schwach opgestallt sinn. E puer Euro de Mount bedäite fir dës Leit vill Geld. De Fonds du Logement kéint deene Mënsche hier finanziell Situatioun liicht opwäerten, wann de Loyer net indexéiert wier.


An deem Zesammenhang wéilt ech de Ministeren dës Froe stellen:

1. Wéi vill Persounen bezéien aktuell eng Sozialwunneng vum Fonds du Logement?  
Wéi huet sech dës Zuehl zënter 2017 entwéckelt?
2. Wéi vill Euro Loyer hëllt de Fonds du Logement duerch déi lescht Indexbranche zousätzlech an?
3. Wéi vill Euro géif et de Staat pro Indexbranche kaschten, wann een d'Loyeren bei Sozialwunnengen an Zukunft einfach net méi indexéiere géif?



4. Wäert d'Regierung d'Indexéierung vum Loyer bei Sozialwunnengen bis zum Enn vun hierer Amtszeit weider oprecht erhalen?

Mat déiwem Respekt,

A handwritten signature in black ink, consisting of several fluid, overlapping strokes that form a stylized, somewhat abstract shape.

GOERGEN Marc

Député

